

QVÆSTIO MEDICA.

QVODLIBETARIIS DISPVATIONIBVS MANE DISCVTIENDA.

IN SCHOLIS MEDICORVM, DIE IOVIS XVI. NOVEMBRIS.
M. IACOBO BOVIONIER Doctore Medico Præsidente.

*Est-ne gemellorum par sexus dispari viuacior? **

1133

AQVIBVS vltima generationis absolueudæ linea ducitur, ab iisdem vitæ vel diuturnioris-vel breuioris futuræ constituuntur primordia; ad hæc nihil Planetarum exaltationes aut carpenta, nihil prima vel octaua cæli domus, aut in ipsis constituta sydera: parentes omnia, mater plurimum confert. Sexus discrimina summo jure moderatur masculum semen, sed in vtero: extra vterum vel ad tepidum solis lampadem, roremve cæli, vel in vitro, equinoque chymici fimo; vel in regionis denique lunaris feciociore solo, nihil effecturum. Huic locum, materiam, & alimenta, sic mater præbet, vt aut excitatas aut enervatas ipsius artificis vires possit ad robustiorem vel infirmiorem fœtus indolem traducere. Hinc cum illis præclariùs agitur qui ex sese firmiùs habente matre geniti, quàm cum illis qui robustum patrem & imbecillam matrem fuere sortiti.

VEL in minimis natura sic agit, vt donec opus absoluerit sui juris esse, nec ab opere velit interpellari. Concurrerint elementa, & jam in sese per variè distributa calor & frigoris momenta comparentur; si quid minùs expectati obstitit, illicet, erumpet in neruum omnis paratæ quantumvis & ad magna sese ferentis industria meditatio. Ad hominis generationem, quàm accuratè conquisito, quàm lentè quàm fastidiosè perpenso innumeræ suppellectilis apparatus res à naturâ peragatur patet, & hæc nullibi sæpiùs aberrat infeliciùsve corrui. Quid ita? nullibi sæpiùs ab eo quod intenderat opere distrahi, fluctuare, & ad varia rapi cogitur. Vt quemadmodum per viles paludis lutulentæ riuulos, sine nomine serpunt ignobiles aquæ, quæ si liberiore ferrentur alueo, in nobilem fluuium excurrerent. Sic naturæ pluribus incumbere non valentis impotentia monstrorum distortissimæ facies appareant, quæ sedulo ejusdem ad vnum attendentis labore enitiussent elegantissimæ.

DIRIVS monstri nomen haud patiuntur gemelli; leuiusculam naturæ nonnihil conuiuentis aberrationem præ se ferunt. Hæc in homine, dum ad alia rapitur ituri ad seminis confessionem excrementi copia, generatione omnibus elegantie numeris absolutâ perfungi non potest, si plures generet. Quod tamen, si quando euenit, quid geminorum, sagittariæ primam horoscopi cuspidem tenentis, quid planetæ in ascendente bicorpori dominantis imbelles vires memorant? Consilio naturæ minùs congruentis euenti causa naturalis est. Seminis quas aggregari oportuerat variâ iactatione discretæ partes, si diuersis fuerint iisdemve calor viribus instructæ adpellentem materiam, ad disparem paremve sexum informant. Nihil hic famola possunt vteri aut varias in cellulas, aut in partes variè affectas partiti, discrimina. Is enim est æquabili & particularum planicie & temperamenti constitutione præditus.

SEXVS ejusdem gemellos vix & laboriosè sustentat natura, sustentat tamen; & geminatas soliti laboris vices putat illarum, vt ita dicam, germanitate subleuari, perpetuo disparum dissidio quo tandem modo faciat satis non habet. Quin ad alterius formationem, jamjam admouendam vltimam manum inhibere, & ad designanda alterius prima vixdum rudimenta incurrere quasi desultoria cogitur. Peruertenda omnis procurandi alimentorum commeatu ratio, & hic modo vel necessariis defraudandus, modo huic nimia oggerenda, omnia tandem fortioris arbitrio permittenda. Ex quibus tantis vt angustiis emerferit, emittendæque ad lucem tantæ sarcinæ tempus aduenerit. Quam se anxie torqueri, quam molestè sensus omni materno amore molliores diuelli videt; Emittatne planè jam absolutum & corroboratum marem? Quid aliud aget, nisi fœminæ statim morituræ sanguine incolumitatem illius asserat. Expectet dum hæc firmior euadat, at ille non jam in vtero enutriti, sed in terti carceris ergastulo cruciari, & in mediis ignibus exuri videbitur. Quid igitur? eligit medijs quendam modum, vt alterius nonnihil proroget, alterius planè non expectet tempora. At huiusmodi medio nihil ad infantium nasciturorum vires calamitosius; quæ enim aliàs alterutrius saltem salutem consuluisse, sic vtrumque vel præproperâ festinatione; vel lentioris moræ cunctatione dispendio pessundat.

QUI nihil astris debuit nascens par gemellorum sexus, natus nihil ab astris timet, nisi ne corruant, eoque fidentiùs per variè occursuros discriminum casus vitam trudit, quo periculosius illius vltima primordia percepit. Neque enim sine periculo leges à naturâ obseruari solitæ mutantur. Hæc verò sit concessa cæteris animalium speciebus licentia plures generandi, variosque simul sexus in lucem emittendi. Homini proprium sit, vt ad vnius generationem à naturâ destinatus esse videatur. Huic exquisita illa temperamenti nobilioris indoles non ad natorum multitudinem data, sed ad eam rerum gerendarum præstantiam, quæ necessariâ speciei propagationis oblectatione exhilarari, non multiplici educationis innumeræ fastidio grauari possit. A cæteris animantibus quasi debitum concessæ vitæ vesticigal prolem exigit natura, hominem & suis quidem sed & sibi profectò seruire paritur.

Ergo gemellorum par sexus dispari viuacior.

DOMINI DOCTORES DISPVATVRI.

M. Carolus Baralis, Med. Reg.
M. Ioannes Ant. Bourgaud.
M. Germanus Hureau.

M. Ioannes de Bourges.
M. Robertus Patin.
M. Michaël de la Vigne.



M. Nicolaus Richard.
M. Petrus le Mercier.
M. Claudius Guerin.

Proponebat Lutetiæ ANTONIVS LE MOINE, Parisinus, A. R. S. H. M. DC. LXII.

* M. Bonn dans la Savins chronologie questionnaire medicorum, dit-il est auter fait page 51 le remarque que c'est au mois de novembre de cette année (1662) que les thèses de la faculté qui jusqu'alors n'avaient été imprimées qu'ingratis, commencent à être en 4°.